

Bidaiarien sarrerak %8 gehitu ziren 2004ko irailean

Udako hilabeteetan (uztaila-iraila), 42.000 bidaiari-sarrera gehiago erregistratu ziren 2003ko aldi berean baino, hots, %8 gehiago.

Eustatek landutako datuen arabera, Euskal AEko ostalaritza-establezimenduetan, 167.311 bidaiari-sarrera erregistratu ziren 2004ko irailean. Zifra horiek erakusten dute %8 gehiago izan zirela aurreko urteko hil berean baino, hau da, 12.000 sarrera gehiago izan zirela. Hiru herrialdeetan izan zuten bilakaera positiboa bidaiarien sarrerek: gehitu egin ziren Bizkaian (%18), Gipuzkoan (%2) eta Araban (%1).

Estatuko bidaiarien sarrerak %9 gehitu ziren eta atzerriko bidaiarienak %6, Euskal AE osoan. Estatutik etorritako bidaiarien kopurua igo egin zen bi herrialdetan, Bizkaian (%16) eta Gipuzkoan (%9), baina jaitsi egin zen Araban (%-5). Atzerritarrek ere joera desberdinak izan zituzten hiru lurraldeetan: gehitu egin ziren Araban (%24) eta Bizkaian (%22), baina urritu egin ziren Gipuzkoan (%-11).

Estatutik etorritako bidaiarien artean, gehitu egin ziren autonomia-erkidego ia guztietakoak, baina batez ere Madrildik, Kataluniatik, Valentziatik, Andaluziatik, Aragoitik eta Nafarroatik etorritakoak. Asturiastik, Balearretatik, Extremaduratik eta Galiziatik etorritakoak besterik ez ziren gutxitu. Atzerriko bidaiarien artean, igo egin ziren, besteak beste, Frantziatik, Erresuma Batutik, Alemaniatik, AEB-Kanadatik eta Belgikatik etorritakoak. Gutxitu egin ziren, batez ere, Portugaldik, Italiatik eta Greziatik etorritakoak.

2004ko irailean erregistraturiko gaualdiak 332.756 izan ziren, beraz, iazko irailean baino %10 gehiago, hots, 29.000 gaualdi gehiago. Urte arteko bilakaera desberdina izan zuten gaualdiek hiru lurralde historikoetan: %26 gehitu ziren Bizkaian, mantendu egin ziren Gipuzkoan (%0,0) eta apur bat jaitsi ziren Araban (%-1).

Bidaiarien batez besteko egonaldia %2 luzatu zen Euskal AE osotara hartuta, hau da, 2003ko iraileko 1,96 egunetik 2004ko iraileko 1,99 egunera pasa zen. Bizkaian %7 luzatu zen eta %2 laburtu zen Araban eta Gipuzkoan.

Plazakako eta gelakako betetze-mailak %7 igo ziren Euskal AE osoan. Igoera horren eragina ez zen berdina izan lurraldeka: nabarmen igo zen Bizkaian, apur bat Gipuzkoan eta apur bat jaitsi zen Araban.

Udako hilabeteetan (uztaila-iraila), Euskal AEn, %8 gehiago izan ziren bidaiarien sarrerak 2003ko udaren aldean, eta igoera horrek ere desberdin eragin zuen lurraldeetan: nabarmen igo zen Bizkaian (%21), arinago Gipuzkoan (%2) eta Araban (%-1), ostera, murriztu egin ziren. Aldi berean, gaualdiak %12 gehitu ziren, hots, 2003ko udan baino 42.000 gaualdi gehiago izan ziren. %24 gehitu ziren Bizkaian, %7 Gipuzkoan eta %2 Araban.

Nekazalturismoa: gutxitu egin ziren bidaiarien sarrerak (%-1) baina gehitu gauraldiak (%16)

Euskal AEko nekazalturismoko establezimenduetan, 7.961 bidaiari-sarrera zenbatu ziren joan zen irailean, aurreko urteko hil berean baino %1 gutxiago. Lurraldeka, %8 gehitu ziren Bizkaian, baina %7 jaitsi ziren Gipuzkoan eta %2 Araban.

Euskal AEko nekazalturismoko establezimenduetan egindako gauraldiak 23.922 izan ziren irailean, 2003ko hil berean baino %16 gehiago. Urte arteko hazkunde-tasa positiboak izan ziren herrialde guztietan: Araban %26koa, Bizkaian %21ekoa eta Gipuzkoan %11koa.

Batez besteko egonaldia, bidaiariko, ehuneko hemezortzi puntu luzatu zen Euskal AE osoan, 2003ko irailarekin alderatuta. Orain dela urtebeteko 2,55 egunetik aurtengo 3,00 egunera pasa zen eta hiru lurraldeetan izan zuen eragina: Araban %30 luzatu zen, Gipuzkoan %20 eta Bizkaian %12.

Plazakako betetze-maila %10 igo zen Euskal AE osoan eta gelakako betetze-maila ere %10 igo zen.

Udako hilabeteetan (uztaila-iraila), Euskadiko nekazalturismoetan, %3 bidaiari-sarrera gutxiago izan ziren iaz baino, baina gauraldiak %12 gehitu ziren aldi berean, hau da, 13.000 gauraldi gehiago izan ziren.

Argibide gehiagorako:

Euskal Estatistika-Erakundea / Instituto Vasco de Estadística

Donostia-San Sebastian kalea, 1. 01010 Vitoria-Gasteiz

Tel.: +34-945 01 75 00 Faxe: +34-945 01 75 01 E-maila: eustat@eustat.es

Harremanetarako pertsona: Gerardo Pérez Aja

Tel.: +34-945 01 75 06. Faxe: +34-945 01 75 01

Prentsa-oharrak Interneten: www.eustat.es

Datu-bankua: www.eustat.es/bancopx/euskara/indice.asp

1. taula: Hileko emaitzak

	EUSKAL AE						ARABA						BIZKAIA						GIPUZKOA					
	09/2004	%	09/2003	%	Δ%	09/2004	%	09/2003	%	Δ%	09/2004	%	09/2003	%	Δ%	09/2004	%	09/2003	%	Δ%				
HOTEL-ESTABLEZIMENDUAK																								
GAUALDIAK	332.756	100	303.841	100	10	48.285	100	48.823	100	-1	144.064	100	114.645	100	26	140.407	100	140.373	100	0				
Estatukoak	227.443	68	207.618	68	10	36.750	76	37.558	77	-2	90.862	63	73.763	64	23	99.831	71	96.297	69	4				
Atzerrikoak	105.313	32	96.223	32	9	11.535	24	11.265	23	2	53.202	37	40.882	36	30	40.576	29	44.076	31	-8				
Hiriburua	210.722	63	188.894	62	12	36.951	77	35.752	73	3	99.415	69	77.602	68	28	74.356	53	75.540	54	-2				
Kostaldea	43.066	13	39.515	13	9	-	-	-	-	-	15.655	11	12.817	11	22	27.411	20	26.698	19	3				
Barnealdea	78.968	24	75.432	25	5	11.334	23	13.071	27	-13	28.994	20	24.226	21	20	38.640	28	38.135	27	1				
BIDAIARIEN SARRERAK	167.311	100	154.907	100	8	26.781	100	26.554	100	1	71.747	100	61.025	100	18	68.783	100	67.328	100	2				
Estatukoak	114.262	68	105.085	68	9	19.674	73	20.808	78	-5	46.917	65	40.598	67	16	47.671	69	43.679	65	9				
Atzerrikoak	53.049	32	49.822	32	6	7.107	27	5.746	22	24	24.830	35	20.427	33	22	21.112	31	23.649	35	-11				
Hiriburua	105.368	63	94.738	61	11	19.196	72	17.641	66	9	50.056	70	41.343	68	21	36.116	53	35.754	53	1				
Kostaldea	19.825	12	19.439	13	2	-	-	-	-	-	7.878	11	7.274	12	8	11.947	17	12.165	18	-2				
Barnealdea	42.118	25	40.730	26	3	7.585	28	8.913	34	-15	13.813	19	12.408	20	11	20.720	30	19.409	29	7				
BATEZ BESTEKO EGONALDIA	1,99		1,96		2	1,80		1,84		-2	2,01		1,88		7	2,04		2,08		-2				
BETETZE-MAILA PLAZAKA	56,42		52,88		7	50,65		51,11		-1	56,15		48,36		16	59,04		58,00		2				
Hiriburua	59,70		55,11		8	55,91		54,49		3	60,67		51,19		19	60,44		60,15		0				
Kostaldea	58,31		55,93		4	-		-		-	49,60		45,40		9	64,80		62,94		3				
Barnealdea	48,48		46,80		4	38,75		43,70		-11	47,40		42,30		12	53,31		51,53		3				
BETETZE-MAILA GELAKA	68,00		63,47		7	61,49		63,09		-3	69,31		60,64		14	69,28		66,54		4				
Hiriburua	71,64		66,59		8	68,05		69,22		-2	73,15		62,89		16	71,66		69,93		2				
Kostaldea	66,24		61,51		8	-		-		-	60,44		55,97		8	69,38		64,66		7				
Barnealdea	59,86		57,29		4	40,59		47,65		-15	61,71		56,48		9	64,93		61,79		5				
NEKAZALTURISMOA																								
GAUALDIAK	23.922	100	20.596	100	16	3.375	100	2.679	100	26	7.515	100	6.195	100	21	13.032	100	11.722	100	11				
Estatukoak	20.170	84	18.068	88	12	3.099	92	2.404	90	29	6.121	81	5.431	88	13	10.950	84	10.233	87	7				
Atzerrikoak	3.752	16	2.528	12	48	276	8	275	10	0	1.394	19	764	12	82	2.082	16	1.489	13	40				
BIDAIARIEN SARRERAK	7.961	100	8.074	100	-1	1.380	100	1.414	100	-2	2.756	100	2.552	100	8	3.825	100	4.108	100	-7				
Estatukoak	6.987	88	7.256	90	-4	1.304	94	1.312	93	-1	2.343	85	2.233	88	5	3.340	87	3.711	90	-10				
Atzerrikoak	974	12	818	10	19	76	6	102	7	-25	413	15	319	13	29	485	13	397	10	22				
BATEZ BESTEKO EGONALDIA	3,00		2,55		18	2,45		1,89		30	2,73		2,43		12	3,41		2,85		20				
BETETZE-MAILA PLAZAKA	32,67		29,71		10	21,59		19,58		10	34,32		27,87		23	36,50		35,07		4				
BETETZE-MAILA GELAKA	35,43		32,30		10	24,48		21,63		13	36,30		30,62		19	39,39		37,67		5				

Iturria: EUSTAT